

Broj: 5-1-05-1-167/13-15
Sarajevo, 26.11.2015. godine

Na osnovu čl. 64. stav 1. tačka b) i čl. 70. st. 1.,3. i 6. Zakona o javnim nabavkama Bosne i Hercegovine ("Službeni glasnik BiH", br. 39/14), člana 23. Statuta JP NIO Službeni list BiH, a na Prijedlog Komisije za javne nabavke o izboru najpovoljnijeg ponuđača, broj: 5-1-05-1-167/12-15 od 26.11.2015. godine u postupku nabavke papira za digitalnu štampariju, direktor je donio:

ODLUKU
o izboru najpovoljnijeg ponuđača

I

Prihvata se Prijedlog Komisije za javne nabavke o izboru najpovoljnijeg ponuđača, 5-1-05-1-167/12-15 od 26.11.2015. godine i ugovor za javnu nabavku papira za digitalnu štampariju, dodjeljuje se ponuđaču R&S d.o.o. Sarajevo, za ponuđenu cijenu od 2.388,00 KM bez PDV-a, kao najbolje ocijenjenom ponuđaču.

II

Po pravosnažnosti ove odluke, ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku shodno zahtjevima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

III

Ova odluka će se objaviti na web stranici www.sluzbenilist.ba istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

IV

Ova odluka stupa na snagu danom donošenja i dostavlja se svim ponuđačima koji su učestvovali u postupku nabavke u skladu sa članom 71. stav 2. Zakona o javnim nabavkama BiH.

OBRAZLOŽENJE

JP NIO Službeni list BiH (u daljem tekstu: ugovorni organ) je na osnovu Odluke o pokretanju postupka za nabavku papira za digitalnu štampariju proveo konkurentski postupak javne nabavke.

Procijenjena vrijednost nabavke bila je 6.000 KM (bez PDV-a), a obavještenje o nabavci broj: 195-7-1-74-3-24/15 objavljeno je na Portalu javnih nabavki dana 03.11.2015. godine.

Nakon isteka roka predviđenog za dostavljanje ponuda, Komisija za javne nabavke (u daljem tekstu: Komisija) je u Zapisniku o zaprimanju ponuda od 20.11.2015. godine konstatovala su u roku pristigle slijedeće ponude:

1. Ponuda ponuđača „TIPOGRAFIJA“ d.o.o. Sarajevo, broj protokola: 5-1-05-1-167/8-15, dostavljena 20.11.2015. godine u 08.30 sati.
2. Ponuda ponuđača „R&S“ d.o.o. Sarajevo, broj protokola: 5-1-05-1-167/9-15, dostavljena 20.11.2015. godine u 09.30 sati.
3. Ponuda ponuđača „MAKROMIKRO“ d.o.o. Sarajevo, broj protokola: 5-1-05-1-167/10-15, dostavljena 20.11.2015. godine u 11.20 sati.

U postupku analize pristiglih ponuda Komisija je u Zapisniku o pregledu i ocjeni ponuda, broj:5-1-05-1-167/11-15 od 26.11.2015. godine utvrdila da ponuda ponuđača TIPOGRAFIJA d.o.o. nije formalno prihvatljiva za ugovorni organ iz slijedećih razloga:

- Ponuđač nije dostavio Izvod iz sudskog registra u svrhu dokazivanja prava na obavljanje profesionalne djelatnosti, kako je to propisano u tački 2.2 b) Tenderske dokumentacije: „ponuđač mora dostaviti dokaz o registraciji u odgovarajućem profesionalnom ili drugom registru u zemlji u kojoj je registrovan ili da obezbjedi posebnu izjavu ili potvrdu nadležnog organa kojom se dokazuje njegovo pravo da obavlja profesionalnu djelatnost, koja je u vezi sa predmetom nabavke. Dostavljeni dokazi se priznaju, bez obzira na kojem nivou vlasti su izdati. **Dokazi koji se dostavljaju moraju biti originali ili ovjerene kopije**”.

Također, ponuđač nije dostavio uzorak za stavku 2. Predmetne nabavke kako je to propisano u tački 2.2 c) Tenderske dokumentacije: “Ponuđač je dužan dostaviti uz ponudu uzorke za sve stavke Predmetne nabavke navedene u Obrascu za cijenu ponude Aneks 2”.

Kako su preostale dvije ponude formalno prihvatljive za ugovorni organ, Komisija je utvrdila rang listu ponuda prema kriterijumu za izbor ponude:

Kriterijum za ocjenjivanje ponude je najniža cijena:

1. R&S d.o.o. Sarajevo sa ukupnom cijenom od 2.388,00 KM bez PDV-a
2. MAKROMIKRO d.o.o. Sarajevo sa ukupnom cijenom od 2.675,00 KM bez PDV-a

Izabrani ponuđač R&S d.o.o. Sarajevo je izabran primjenjujući kriterij najniže cijene koja je ponudena u iznosu od 2.388,00 KM bez PDV-a, te je shodno tome dat prijedlog o izboru navedenog ponuđača kao najpovoljnijeg.

Cijeneći navedeno odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba najkasnije u roku od 5 (pet) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem ugovornog organa u pismenoj formi direktno, elektronskim putem ili preporučenom poštanskom pošiljkom na adresu: Džemala Bijedića 39, Sarajevo. Žalba se podnosi u najmanje 4 (četiri) primjerka.

DOSTAVITI:

- Svim učesnicima postupka nabavke,
- Komisiji za javne nabavke,
- a/a .

DIREKTOR
Dragan Prusina